

OP EEN DAG.

Personages:

Jan: Jan ligt ziek op berre, hi'j is deur de dokters opgeven en het nog enkele maonden te leven. Deur kuren is hi'j zien haor kwiet raekt. Jan is een zaekelik instelde man, kot van stof en recht veur de raap. In zien keuzes keus hi'j altied veur et zaekelik belang, zien gevuulskaante vaeke negerend. Now zien dood in zicht komt, komt die gevuulskaante meer an bod. Jan bliekt effen in de tachtig te wezen.

Jouk.: Jouk is Jan zien beste kammeraod, Ze bin tegere opgreuid, hebben een soortgeliek leven aachter de rogge, en vulen mekere goed an. Jouk het ien gebrek, hi'j stotterd nog wel es. (Kan hoeft niet) Jouk komt op ziekebezuuk.

Hennie: Lesbische dochter die tegere mit vriendinne vlak in de buurt al jaoren Saemenwoont mit vriendinne, Is de mannelike kaant et meerst nao. Hennie is as twiede geboren en 57 jaor.

Willem: Is slimme inneumen mit zien goeie baene argens in et Westen van et laand. Het bemuuienissen mit meensken die hoge in de politiek zitten. Het et botte drok mit himsels, en mag graeg trippies maeken. Hierdeur blift een bezuuk an zien va vaeke uut. Willem is trouwt mit Marie, een gewoon arbeiders-maegien, die now wat naost heur schoenen lopt. Ze hebben kiend nog kri'je op disse wereld. Willem is 60 jaor.

Marie: Is trouwt mit Willem. Vuult heur now. Willem het een goeie baene, en omgang mit poletiek belangrieke meensken. Ze hebben gien kiender, mar et feit dat ze d'r waarpies bi'jzitten, vergoedt vule.

\*\*\*\*\*

Veur dat et stok begint speelt de meziek „Op een dag drink je geen Grolsch meer,, van Gerrit Bredler.

Jouk klopt op de deur deure en giet de kaemer in.

Jouk: Jan!:

Jan schrikt wakker. Jan: Ik was even votdoezeld.

Mooi daj' d'r binnen, dat geft weer wat divedaosie.  
Et bin lange daegen aj' hier zo liggen.

Jouk: Ie valen mi'j niet of.

Jan: Ik vule mi'j anders zo lammenadig as de pest.

Jouk: Ie liggen d'r toch noch kreers bi'j.